

UGOVOR
O JAVNOJ NABAVCI USLUGA
“Usluge preseljenja i prevozne usluge”

UGOVORNE STRANE:

1. **FAKULTET ZDRAVSTVENIH STUDIJA UNIVERZITETA U SARAJEVU**, Bolnička br. 25, Identifikacioni broj: 4200672760007, koga zastupa Dekan doc. dr. Arzija Pašalić (u daljem tekstu: **Naručilac**)
- i
2. **“AGS” d.o.o. Sarajevo**, Lužansko Polje 7, 71210 Ilidža, ID broj: 4200429580009, PDV broj: 20049580009, transakcijski račun: 3914011200342787, kojeg zastupa direktor Erol Mahmutović, (u daljem tekstu: **Izvršilac**)

PREDMET UGOVORA

Član 1.

U skladu sa članom 90. Zakona o javnim nabavkama BiH („Službeni glasnik BiH“, broj 39/14)“ proveden je postupak dodjele ugovora putem direktnog sporazuma. Predmet ovog ugovora je pružanje usluga „**Usluge preseljenja i prevozne usluge**“, za potrebe Fakulteta zdravstvenih studija Univerziteta u Sarajevu, nakon provedenog postupka javne nabavke putem direktnog sporazuma. Ponuda Ponuđača „**AGS**“ d.o.o. Sarajevo, od 15.03.2019. godine ocijenjena je kao prihvatljiva, i ista čini sastavni dio ugovora.

CIJENA

Član 2.

Ukupna vrijednost cijene za vršenje usluga preseljenja i prevoznih usluga za potrebe Fakulteta zdravstvenih studija Univerziteta u Sarajevu, prema ponudi Ponuđača „**AGS**“ d.o.o. od 15.03.2019. godine iznosi:

5.979,00 KM

slovima:

pethiljadadevetstotinasedamdesetdevet i 00/100 KM.

U cijenu nije uračunat PDV, a Ponuđač će ga zaračunati i iskazati u skladu sa zakonskim propisima, a iznosi 1.016,43 KM.

NAČIN PLAĆANJA

Član 3.

Plaćanje cijene za ugovorene usluge će se izvršiti u roku do 30 dana od dana urednog izvršenja ugovorenih usluga. Naručilac će izvršiti plaćanje cijene za vršenje usluga žiralno, na transakcijski račun Izvršioca usluga. Naručilac ne prihvata avansno plaćanje i traženje sredstava osiguranja plaćanja.

NAČIN VRŠENJE USLUGE

Član 4.

Izvršilac usluga se obavezuje da će u skladu s ugovorom, vršiti djelimične usluge pakovanja, razmontiranje namještaja, montiranje i smještaj istog po dolasku na novu adresu. Izvršilac se obavezuje da će obezbijediti dovoljan broj odgovarajućih plastičnih i kartonskih kutija za pakovanje, te da će preduzeti mjere osiguranja namještaja od eventualnih oštećenja tokom prijevoza.

Za izvršenje ugovorenih usluga, Izvršilac će obezbijediti prijevoz vlastitim vozilima, te po potrebi angažovati dodatna vozila, u cilju realizacije. U ponudu Izvršioca uključeno je besplatno skladištenje 50 m³ (stolica i stolova) iz učionica, na period od 3 mjeseca od dana

ulaska robe u skladite. Nakon isteka tri mjeseca, ukoliko Ugovorni organ odluči da produži skladištenje, primjenjivat će se cijena Ponuđača, koja iznosi 11 KM po m³ (plus PDV 17%).

ROK IZVRŠENJA

Član 5.

Izvršilac se obavezuje da će obezbijediti vršenje usluga u roku od 24 sata po prijemu poziva Naručioca, a vršenje usluge će biti organizovano tokom 3 dana u 2 vremenska intervala.

Član 6.

UGOVORNA KAZNA

Kod ugovora sa naknadom svaki ugovarač odgovara za materijalne nedostatke svog ispunjenja. Ukoliko Izvršilac ne ispuni ugovorenu obavezu u roku, ili u skladu s odredbama ugovora, dužan je Naručiocu platiti za svaki dan zakašnjenja 1%, a najviše 5% od ukupne vrijednosti predmeta nabavke.

ZAVRŠNE ODREDBE

Član 7.

Ukoliko jedna ugovorna strana ne ispuni svoju obavezu, druga strana može, ako nije što drugo određeno, zahtijevati ispunjenje obaveza ili, pod uslovima predviđenim Zakonom, raskinuti ugovor prostom izjavom, ako raskid ugovora ne nastupa po samom zakonu, a u svakom slučaju ima pravo na naknadu štete.

Osnovano, tužilac u tužbi potražuje naknadu štete zbog raskida ugovora po kome tuženi nije platio na ugovoreni način dužni iznos u određenom roku i pored poziva tužioca da to učini. Naručilac nema pravo raskinuti ugovor zbog nedostatka djela ako prethodno nije zahtijevao od izvršioca da nedostatak ukloni, osim u slučaju kad obavljani posao ima takav nedostatak koji ga čini neupotrebljivim.

Član 8.

Na sva eventualna pitanja koja nisu regulisana ugovorom, primjenjivat će se Zakon o obligacionim odnosima.

Član 9.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi Sud u Sarajevu.

Član 10.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

Član 11.

Ugovor stupa na snagu danom obostranog potpisa ugovornih strana.

IZVRŠILAC
"AGS" d.o.o.

Direktor

Erol Mahmutović



NARUČILAC
Fakultet zdravstvenih studija
Univerzitet u Sarajevu

Dekan

Doc. dr. Arzija Pašalić



Broj:
Sarajevo, __.03.2019. godine

Broj: 05-2-389/19
Sarajevo, 19.03.2019. godine